

重刊道藏輯要

元始无量度人上品妙經卷之三十六

八景神合品

道言昔於朱陽天中玄極靈歌太融昌土受元始度人八景神合无量上品元始天尊當說是經週回十過以召十方始當詣座天真大神上聖高尊妙行真人三元八景大神无鞅數眾乘空而來靈雲敷華寶輿玉軒紫蓋扶蔭神境同光瑞色交朗八道煥明七日七夜諸天八景合映自然千神萬靈冥洞一氣混化同輪一國地土山川林木煒耀齊鮮高下彌漫坦平等土皆浮異彩纏羅之色眾真侍座元始天尊玄坐空浮萬氣穹隆

道藏輯要

度人妙經

壹

九集一

又川上

洞景瓊臺之上說經一遍諸天大聖同時稱善是時一國男女欲念永獲斷除說經二遍達悟至真說經三遍識用通玄說經四遍妙和元氣一合其形說經五遍神精凝粹保鎮軀靈說經六遍萬神結華與身齊并說經七遍三宮帝尊朝集神真說經八遍百關固密宮府相連死戶塞絕滅胞根說經九遍三部開朗八景齊歸說經十遍神明洞合舉形飛仙是時一國是男是女莫不傾心皆受護度咸得長生

道言是時元始天尊說經一遍東方无極无量品至真青景大神无鞅之眾浮空而至說經二遍南方无極无量品至真丹景大神无鞅之眾浮空而至說經三遍西方无極无量品至真素

景大神无鞅之眾浮空而至說經四遍北方无極无量品至眞
玄景大神无鞅之眾浮空而至說經五遍東北无極无量品至
眞生景大神无鞅之眾浮空而至說經六遍東南无極无量品
至眞明景大神无鞅之眾浮空而至說經七遍西南无極无量
品至眞華景大神无鞅之眾浮空而至說經八遍西北无極无
量品至眞幽景大神无鞅之眾浮空而至說經九遍上方无極
无量品至眞合景大神无鞅之眾浮空而至說經十遍下方无
極无量品至眞化景大神无鞅之眾浮空而至十遍週竟十方
无極天真八景大神一時同至一國男女傾心歸仰欣躍而言
我等各以善因或從道業證遇福緣得居此天獲覩天尊說此

道藏輯要

度人妙經

二

九集一

×××

八景神合之法上眞至化之道非我眾等素所知聞今當聞者
必獲位進上眞備契玄理而我等昔來未聞此道不識八景神
合之妙豈能超合混元大道之宗於是來詣天尊請聞至教有
如細雨密霧无鞅之眾進國一半土皆偏陷非可禁止是時元
始天尊周覽十方垂顏凝顧揮五明羽扇徐啟玉音彰明法要
開顯太極一氣分化判爲三辰離爲八景八景者八方光景自
然之神也天之八景有三部以隸三元人之八景有三部以隸
三關故三部八景二十四眞爲上道之高靈修用其道使八景
之氣與已神合則混合百神聚爲帝一散爲千眞立成高仙也
天之八景上元八景在玉京蕭臺中元八景在太微紫宮元

八景在崑崙之室人之八景上合泥丸中合絳宮下合丹田各有名字大小服色所居之處能招天景以合人神八景之靈混與神合則爲高真矣其旨要玄妙虛明洞徹清靜明照專此八事而修此道無不克臻此八者八景之德性也兆知勤此陽精八景真神之道則八景之神自降於子授子洞玄長生之真仙矣大眾於時聞是語已再拜稽首願盡至言以教未悟今日慶幸獲聞妙法破我沉疴三請不止於是元始化一元精狀如朱日寶華熠燿在空玄之中去地九丈元始登引天真大神上聖高尊妙行真人十方无極八景大神无鞅數眾俱入朱日之中天人仰看惟見勃勃從寶華中入既入其中不知所在國人廓

道藏輯要

度人妙經

三

元集一
卷上

散地還平正無復欹陷元始卽於日華之內說經都竟眾真監度以授於我當此之時喜慶難言法事粗悉諸天復位倏歛之間寂無遺響是時天人遇值經法普得濟度全其本年無有中傷傾土歸仰咸行妙心合道合虛合无合神合明合景合照合清合玄合妙情無妄僞性備天真齊同慈愛異骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是諸天上帝內名隱韻之音亦是三部八景內諱百靈之隱名也非世之常辭兆能長齋修誦八景神合與天爲一七世滅殃胞戶閉塞上聖已成真人通玄

究微能悉其章誦之十過諸天遙唱萬帝設禮心源澄寂害氣
消沉洞合八景神真內盈羣魔束形鬼精滅爽迴屍起死白骨
成人至學之士誦之十過則八景挾衛三元稽首魔精喪眼鬼
祇滅爽濟度垂死絕而得生所以爾者學士穢氣未消體未洞
真存召八景功未克全天政德可伏除魔試卻滅災患但不死
而已不能更生輕誦此章身則被殃供養尊禮門戶興隆世世
昌熾與善因緣萬災不干神明護門斯經尊妙獨步玉京度人
无量爲萬道之宗巍巍大範德難可勝

道藏輯要

度人妙經

四

元集一

經功滿德就皆得神仙飛昇金闕遊宴玉京也上學之士修誦
是經智慧開明含光育英八景神合道契玄庭皆卽受度飛昇
南宮世人受誦則身中八景固律死門天中八景下合兆形神
景齊會得道成真延壽長年後皆得作飛升之道魂神變鍊不
經地獄哀惱常保孩嬰遊行太空此經微妙普度無窮一切天
人莫不受慶无量之福生死蒙惠上天所寶不傳下世至士齋
金寶效心盟天而傳輕泄漏慢殃及九祖長役幽官侍經五帝
玉童玉女各二十四人營衛神文保護受經者身
道言正月長齋誦詠是經上部八景降兆神庭泥丸玄堂七祖
超遷度上南宮七月長齋誦詠是經中部八景與兆合并黃元

混一天地同靈身得神仙諸天書名青籙紫簡舉形飛仙十月
長齋誦詠是經下部八景固兆生根真精鍊化萬炁結神僊輪
太霄遨遊上清億世含歡浩劫齊齡八節之日誦詠是經八景
神合超登玉京得爲一清真人本命之日誦詠是經三部八景
二十四真混變嬰兒錦衣繡裙列坐泥丸身宮之中魂神澄正
萬炁長存百關受鍊身有光明三界侍衛五帝司迎萬神朝禮
書名上天功滿德就飛昇上清

道言行道之日皆當香湯沐浴齋戒入室東向叩齒三十二
通上聞三十二天心拜三十二過閉目靜思身坐八色雲氣
之中內外翳冥有青龍白虎朱雀玄武獅子白鶴羅列左右
道藏輯要
度人妙經
五
亢集一
二十四真來到兆前日月照明洞煥室內項生圓象光暎十
方如此分明密咒曰

無上玄元太上道君召出臣身中三五功曹左右官使者侍香
玉童傳言玉女五帝直符直日香官各三十二人關啟所言今
日吉慶長齋清堂修行至經无量度人願所啟上徹徑御

無上三十二天元始上帝至尊几前畢

引炁三十二過東向誦經

元始无量度人上品妙經

元始洞玄靈寶本章八景神合上品妙首十回度人八景隱韻
離合自然帝氣元真幽寥高宸冥漠之始空洞靈宗分化結形
敷鎮百關三宮布列纏絡迴環混變上境合鍊精根無神不光
無神不明無神不立無神不成無神不度無神不生是謂妙極
天中之尊玉闕明堂流珠玄丹上衝華極巍巍崑崙紫文纏羅
輝煥交騰下通中黃絳宮之門臍元幽室瓊房之田八景神氣
周用迴旋中有三部八景二十四真之神中有虛明通徹清靜
光照之君中有南極長生大帝君中有東極青華帝君中有度
世司馬大神中有好生韓君丈人中有南上司命司錄延壽益
道藏輯要

度人妙經

六

元集一

算度厄尊神迴骸起死無量度人今日校錄諸天臨軒

東方无極一景天虛神王長生大聖无量度人

南方无極二景天印神王長生大聖无量度人

西方无極三景天曜神王長生大聖无量度人

北方无極四景天玄神王長生大聖无量度人

東北无極五景天符神王長生大聖无量度人

東南无極六景天光神王長生大聖无量度人

西南无極七景天炁神王長生大聖无量度人

西北无極八景天真神王長生大聖无量度人

上方无極三部總真天慧神王長生大聖无量度人

下方无極三部神合天順神王長生大聖无量度人
十方至真三部八景神王長生度世无量大神並乘華雲流霄
寶輿玉駢紫蓋霞輪驂駕素靈神虎蒼精妙龍建玄元之節洞
景朱旛前詠三辰華曲後參五曜真歌青鸞翠鳳鳴嘯相和高
仙啟塗玉女翼轅億乘萬騎浮空駕虛傾光迴駕混合人身元
皇太一洞房玄宮左持五籍右秉五符三迴九轉洞化冥无隨
景應召開朗八區凝和結氣高超太无大魔保舉天皇授書普
告十極洞府神君開釋祖考億劫沉魂脫除罪籍散落禍根敢
有停滯烈火蕩焚身既升度上及億曾示出夜庭復備形魂普
受鍊化度品南宮朱陽紀錄仙化成人身身受度劫劫長存隨
劫流轉與天齊年永度三塗五苦八難超凌三界逍遙上清上
清之天天帝洞昌無色之境梵行

道藏輯要

度人妙經

七

亢集一

東方八天

翼真元慈天

帝經角司神

洞靈開濟天

帝恬淵景虛

昭素欽宗天

帝慶嘉盡玄

輔元敢需天

帝大極右扶

玉履義常天

帝生功被蒼

神德仰真天

帝逸車襲玄

皇度禮方天

帝善同夷陽

生幟標陽天

帝主靈達華

南方八天

玉歷紀功天

帝道忻致登

雲輅素書天

帝七皇無阿

八真清明景合天

帝孝儀奉仙

化及冲要天

帝烈常希真

赫丹保年天

帝妙氣承隅

洞廬朝皇天

帝絜維志聰

拔臯濟靈天

帝開明度生

璇芳助月天

帝蒲都斗皇

道藏輯要

度人妙經

八

亢集一

西方八天

會氣集景天

帝昆堂抱恩

朝祖欽元天

帝越康子明

擲千起威天

帝運明宥初

奮容束魔天

帝敕契頗庸

受嚴持福天

帝覺育白中

宣道招靈天

帝遜佑字成

啟極司化天

帝章瑤兌

梵廣審清天

帝寅熙融神

北方八天

披眞恭慶天

帝昊蕭紫琚

錫離崇用天

帝鐸時勤

應化成功天

帝淪塘雲翻

壁躔納靈天

帝魂度九王

析梁緒明天

帝仲方奇

海暎龍剛天

帝蒙長生

星井珞璣天

帝歷隨麗甯

八神合景天

帝馘化曜靈

三十二天三十二帝諸天隱諱諸天隱名天中空洞自然靈章
諸天隱韻八景之音八景之尊八景之神八景眞王八景之靈

道藏輯要

度人妙經

九

元集一

八景神合變化上清元量之奧深不可詳敷落神眞普度天人
今日欣慶受度神境爲一湛湛眞元守而勿疑位登高仙金顏
玉蕊虛微不窒明識無虧通導不壅徹運忘機清無滯濁淨無
穢氛光華輝朗照寂自然神有八道合此八關結化爲形錦帶
龍衣神化純妙逍遙玉階受職東華制命三官永滅眾惡斬絕
胎根塞斷死尸名列太玄三省監舉有無留難東斗主算西斗
記名北斗落死南斗上生中斗大魁總監眾靈青帝護魂洞景
致眞白帝侍魄華景安宅赤帝養氣元景受明黑帝通血慧景
朗徹黃帝中主合景備列青天真王青景化神赤天真王丹景
曜明白天真王素景混靈黑天真王玄景靜深黃天真王八景

齊輪五天眞王萬神之宗飛行鼓從總領神兵麾幢鼓節遊觀
太室自號赫奕諸天齊功上天度人嚴攝北酆神王受命普掃
不祥神龍攝毒天馬四張辟非前驅天將持幢擲火萬里流鈴
八衝敢有干試拒遏上眞金鉞前戮玉斧後刑屠割鬼爽風火
無停千千截首萬萬剪形魔無千犯鬼無祆精三官北酆明檢
鬼營不得容隱金馬驛呈普告無窮萬神咸聽三界五帝列言
上清

眞皇玉訣玄化混冥幹旋妙氣杳靄之中上景非色下景非淵
中景太虛冥合自然八景神合金剛乘天天上天下無幽無冥
無形無影無極無窮二十四眞周環列宮天地始成神帝隱龍

道藏輯要

度人妙經

十

九集一

溟滓大梵遼廓無光八景開圖三部敷張元始安鎮敷落五篇
赤書玉字八威龍文保制劫運使身長存梵氣彌羅萬範開張
元綱流演三十二天輪轉無色周回十方旋斗厯箕回度五常
三十五分總氣上元八景神合炁入玄玄玄中太皇上帝高眞
汎景太霞嘯詠洞章金眞朗郁流響雲營玉音攝氣靈風聚煙
紫虛鬱秀輔翼萬仙千和萬合自然成眞眞中有神八景玉玄
神景之尊長生大君無英公子白元尊神太一司命桃康合延
執符把籙保命生根上遊上清出入華房八景之內細微之中
下鎮人身泥丸絳宮中理五炁混合百神十轉迴靈萬氣齊仙
仙道貴生无量度人八景飛神過度輪轉罪福禁戒宿命因緣

普受開度死魂生身身得受生上聞諸天諸天之上各有生門
中有空洞謠歌之章八景靈篇辭參高真

第一八景神合飛空之音

天有三元氣

人有三部關

二十四真神

紫戶連青扉

上部有八景

四景居泥丸

又復四境居

在彼咽喉間

淳光與季行

幽陀及越庚

肺肺攜顛顛

玉僊引叔淵

是名四星君

保兆泥丸間

辟祆卻萬邪

鬼祆毋得干

喉中有四景

革革史史神

賓元與子柯

青奇伯羅君

桃闌蔚蹊子

道藏輯要

度人妙經

上

九集一

貫列相纏綿

保兆冥運機

神合純和全

萬劫長不衰

億齡猶合歡

第二八景神合眞王之章

高上雕玉軒

浮駕華景龍

遊宴三元宮

靈日光矔矔

中部有八景

侍兆生關中

能存而守之

身登玉京山

心中居四景

黃寅併景霏

胡胡連祝祝

師南與孟暉

望离並鹿去

護衛長生扉

陽華制靈魂

固衛玄微津

四景在膽中

噓噓子張神

鎮凶奉仙子

霄度禹疆君

榮暉瑤芳來

金生瓊觴和

鎮彼天德君

永除世灾殃

八景神合一

六氣御飛翔

賜兆司命書

億載無悲傷

第三八景神合真王歌

日車雲旗

玉佩瓊璫

坐宴金闕

指顧搏桑

二十四真

與王頡頏

飛翥神霄

蹈莅華房

下部八景

神名作彊

生化萬靈

權衡斗剛

腎中四景

玄真大靈

毛毛叱叱

紫還輔真

月女落雲

四景真人

道藏輯要

度人妙經

三

亢集一

護兆育嬰

保天長存

膀胱四景

公碩佃濠

亭亭幻光

芝仙伸逢

雄元次陽

雲綱內通

淨府不穢

除滅鬼凶

三部八景

二十四童

錦衣繡裳

住兆神宮

合香如一

書飛高冲

試爲此歌

瞻彼仙公

生道眇邈

世莫我窮

兆能體之

騰轡華龍

此三界之上飛空之中真王歌音音參洞章誦之百遍名度南宮誦之千遍真王保迎萬遍道備飛升太空過度三界位登仙

公有聞靈音真王敬形敕制地祇侍衛送迎拔出地戶五苦八難七祖升遷永離鬼官魂度朱陵受鍊更生是謂无量普度无窮有祕上天文諸天共所崇泄慢墮地獄禍及七祖翁

道言此二章並是諸天上帝及八景神王隱祕之音兆誦詠之則百神混合八景同歡抱神成真身生羽翰皆是大梵之言非世上常辭言無韻麗曲無華宛故謂玄奧難可尋詳上天所寶祕於高上神霄玉清玉府東華玉堂經室之內道君下治傳教流行若有至人齋金寶質心依舊格告盟神霄然後而付焉

道言夫天地運度否終日月五星虧盈至聖神人休否末學之天疾傷凡有此災同氣皆當齊心修齋六時行香十遍轉經福

道藏輯要

度人妙經

三

九集一

× 6 1

德立降消諸不祥无量之文普度無窮

道言夫末學道淺或仙品未充運應滅度身經太陰臨過之時同學至人爲其行香誦經十過以度屍形如法則八景俱降真神合并左飛右伏神行氣谷乍合乍離景與神冥朽者更新墮者復支魂神徑上南宮隨其學功計日而得更生輪轉不惑便得神仙

道言夫天地運終星宿錯度日月失昏四時失度陰陽不調國境生災疫毒流行兆民死傷師友命過同學非殃亦當修齋行香誦經夫齋戒誦經功德甚重上消天災保鎮帝王下攘毒害以度兆民生死受賴其福難勝故曰无量普度天人

道言凡有是經能爲天地帝主兆民行是功德有災之日發心
修齋燒香誦經十過皆諸天記名萬神侍衛右別至人克得爲
聖君金闕之臣諸天記人功過毫分無失天中眞王亦保舉爾
身得道者乃當洞明至言也

諸天中大梵隱語无量音

道君譔

元始靈書八景神合內篇

東方八天

聰明規般

蔣籍濤外

變維宏珂

歷展攸最

彰谿濱義

儀渤窈粹

靈敞懷堂

保嘉瑤位

卓評靜魔

道藏輯要

度人妙經

南

元集一

墀騫扶頗

緣演定足

優杜頻羅

邈川洪嗣

幽涂亟魔

謁關領仙

格降越和

南方八天

緣祈咄南

迂梢穹貝

丁河宰池

邇翺离銳

甲靈梵除

清宣綱沛

彭都牢難

約箕亨會

處昌倫房

九俞蘭穠

智澄雲瑤

力濟奧類

耿參玄地

運魂巢燐

孽吠顓騰

揚旗東轅

西方八天

武堅迎邦

捐暉隗方

甯緒咀芷

寃清紀皇

持屨曜施

伊那妙光

鈕乾秘賓

甯孤極良

障彬越都

秦鈞觀剛

翳眇熾掇

奚枚魯航

祝隨桓鈞

沬機翹倫

亮古忠悌

允鄙戚羣

北方八天

賈融技傍

珏佐溫類

延搜毗芒

淵嚴詹音

寂相據育

還微聊源

道藏輯要

度人妙經

圭

元集一

通隅蕭頂

權著靈隨

蠢孳羅合

玉神飛圖

滑瀛佐丘

直充綺烏

略靜邊适

琤瑄來虛

逸澄俯汀

赭巖稽符

道言此諸天中大梵隱語无量之音舊文刻記龍山北岡之室以調正三元爲洞真之宗高仙真人皆銘誦佩服以交八景之神真氣流布諸天下及世間皆仙官眞璧玉女醮煙樂御羣靈災厄莫千字皆廣長一丈天真皇人昔書其文以爲正音有知其音能齋而誦之者諸天皆遣飛仙玉郎八景大神下觀其身書其功勤上奏諸天萬神朝禮地祇侍門大功眞王保舉上仙

八景道備尅得遊行三界升入金門此音無所不辟無所不禳
無所不度無所不成天真自然之音也故誦之致飛天下觀八
景遙降萬神朝禮三界侍軒轅祇束首鬼精自亡琳琅振響十
方肅清河海靜默山嶽吞煙萬靈振伏招集羣仙天無氛穢地
無祲塵冥慧洞清大量玄玄也

道藏輯要

度人妙經

六

亢集一